

虞鄉雜記
松江衢歌

雲間雜誌
淞南樂府



Z121

13157

虞

鄉

雜

記

毛
晉
輯

60527

中
華
書
局

叢書集成初編所
選澤古齋重鈔借
月山房彙鈔本皆
收有此書版本同
借月本在先故據
以排印

虞鄉雜記引

余家隱湖之曲。每遇風日晴美。輒遊山水佳處。搜訪古蹟。間有所得。或展一編。凡有涉於吾鄉者。隨書竹冊。存諸研北。時代先後。略無隆次。若邇來沿革。多載新志。至於國朝人物之盛。詩文之富。則非草莽臣所敢紀錄者。姑俟當今名世君子。毛晉識。

虞鄉雜記卷一

明 虞山毛 晉輯

虞山，今爲海巫山。范石湖吳郡志

虞山者，巫咸所出也。虞故神出奇怪，去縣百五里。錢紹

伊陟相大戊，毫有祥桑穀共生于朝。陟贊于巫咸，作咸父四篇。○傳云：贊，告也。巫咸，臣名。馬云：巫，男巫也。名咸，疏曰：鄭元云：巫咸謂之巫官者，按君詭傳，咸子又稱賢，父子竝爲大臣，必不世作巫官，故孔言巫氏是也。南齊書

在大戊時，則有若伊陟、臣扈，格于上帝。巫咸，父王家。在祖乙時，則有若巫賢。○注云：巫氏，咸名。賢，咸子。周書

伊陟贊言于巫咸，巫咸治王家有成，作咸艾。史記

帝祖乙立，殷復興，巫賢任職。史記

按巫咸及子賢冢，皆在蘇州常熟縣西海虞山上。蓋二子本吳人也。史記正義

巫咸將夕降兮，懷椒糈而要之。○朱子注云：巫咸，古神巫也。當殷中宗之世，言巫咸將以日夕從天而下，願懷椒糈而要之，使占此吉凶也。離騷

虞山在常熟縣海虞縣西六里有虞山，上有仲雍冢。海虞，卽常熟也。陸道潛吳地記

常熟縣在郡北一百里。晉建安二年分吳縣海虞置。本號海虞縣。至唐貞觀九年改常熟。縣北一百九十多步有孔子弟子言偃宅。中有聖井。闊三尺。深十丈。旁有盟即壇也。盟北百步有浣沙石。可方四丈。縣北二里有海虞山。仲雍固章竝葬山東嶺上。闔閭三子。長曰終爨。婚齊女。早亡。亦葬此山。山有二洞穴。穴側有石壇。周迴六十丈。東二里有石室。太公呂望避紂之處。山西北三里有越王句踐廟。郭西二里有夫差廟。拆姑蘇臺造。管鄉二十四戶。一萬三千八百二十。吳地記○按史記吳郡志俱作周章。惟吳地記作固章。

太伯弟仲雍。皆周太王之子。而王季歷之兄也。○太伯卒。無子。仲雍立。是爲吳。仲雍。○武王克殷。求太伯。仲雍之後。得周章。周章已君吳。因而封之。乃封周章弟虞仲於周之北故夏虞。是爲虞仲。史記

虞仲夏都安邑。虞仲都太陽之虞城。在安邑南。故曰夏虞。左傳曰。太伯虞仲。太王之昭。則虞仲是太王之子必也。又論語稱虞仲夷逸。隱居放言。是仲雍稱虞仲。今周章之弟亦稱虞仲者。蓋周章之弟字仲。始封於虞。故曰虞仲。則仲雍本字仲。而爲吳之始祖。故後代亦稱虞仲。所以祖與孫同號也。宋

仲雍。太伯弟。與其兄同奔吳。世本云。吳熟哉始居蕃離。宋忠注云。熟哉。仲雍字也。按雍是熟食。故名仲雍。字熟哉。括地志云。仲雍冢在常熟縣西北三里海隅山上。蕃離。今吳餘暨縣。世本所載仲雍名字似鑿。然不敢沒其說。姑寓於此。餘暨。前漢地理志云。蕭山。潘水所出。東入海。應劭曰。吳王闔廬弟夫暨之所邑。師古曰。暨音既。

虞仲。史記武王封周章弟虞仲於周之北故夏城。是爲虞仲。史記正義引周本紀云。古公有長子曰太伯。

次曰虞仲。左傳云：「太伯虞仲，太王之昭。」按周章弟亦稱虞仲。當是周章弟名仲，初封於虞，號曰虞仲。然太伯弟仲雍又稱虞仲者，當是周章弟封於虞，仲雍是其始祖。後代人以國配仲，故又號始祖爲虞仲。夏地俱作

與太伯墓。吳越春秋云：「太伯卒，葬於梅里平墟。梅里，今屬常熟縣。」又史記正義引括地志：「太伯家在吳縣北五十里無錫縣界西梅里村鴻山上。」去太伯所居城十里。吳地記又云：「太伯家在吳縣北，去城十里，未詳孰是。」

皮襲美詩云：「廟爭祀兩讓君。」蓋太伯廟併祠仲雍舊矣。今廟在閶門內東行半里。已上三段

常熟海隅山有石空十所。昔太公避紂居之。孟子謂太公辟紂居東海之濱者此也。常熟去東海正六十里。故謂之海濱。楊修郎中嘗作詩紀其事。中吳紀聞○石空疑作石室

石室在常熟縣海隅山。石室凡十所。相傳太公避紂居之。常熟去海近。或是。吳郡志

太公望呂尚者，東海上人。其先祖嘗爲四嶽佐禹平水土，甚有功。虞夏之際，封于呂，或封于申。姓姜氏。夏商之時，申呂或封枝庶子孫，或爲庶人。尙其後苗裔也。本姓姜氏，從其封姓，故曰呂尙。呂尙蓋嘗窮困年老矣，以漁釣奸周西伯。西伯將出獵，卜之曰：「所獲非龍非虎，非羆非熊，所獲霸王之輔。」於是周西伯獵，果遇太公於渭之陽，與語大說，曰：「自吾先君太公曰：『當以聖人適周。』」周以興，子真是邪？吾太公望子久矣。故號之曰太公望。載與俱歸，立爲師。○或曰：呂尙處士，隱海濱。史記

言偃宅在常熟縣西。常熟世傳一名琴川。本弦歌之說故也。吳郡志

吳地記云。宅有井。井邊有洗衣石。周四尺。皆其故物。

地志云。梁肅正德爲郡太守。將石去。莫知所在。吳郡志

言偃。吳人。字子游。少孔子四十五歲。子游旣已受業爲武城宰。孔子過。聞弦歌之聲。孔子莞爾而笑曰。割雞焉用牛刀。子游曰。昔者偃聞諸夫子曰。君子學道則愛人。小人學道則易使。孔子曰。二三子。偃之旨是也。前言戲之耳。孔子以爲子游習於文學。史記

言偃。魯人。字子游。少孔子三十五歲。時習於禮。以文學著名。仕爲武城宰。嘗從孔子適衛。與將軍之子蘭相善。使之受學於夫子。家語。家語作魯人。史記作吳人。當從史記。家語云少。

齊門。闔廬伐齊。大克。取齊王女爲質。子爲造齊門。置於水海虛。其臺在車道左。水海石去縣七十里。齊女思其國死。葬虞西山。越絕書

常熟虞山有齊女冢。哀字記

齊門。北通毗陵。昔齊景公女聘吳太子終疊。闔閭長子。夫差兄也。齊女喪夫。每思家國。因號齊門。後葬常熟海隅山東南嶺。與仲雍固章等墳相近。葬畢。化白龍沖天而去。今號母家墳。吳地記

齊門。齊景公與吳戰不勝。以少女嫁吳太子終疊。所謂涕泣而女於吳者。終疊闔閭長子。夫差兄也。早亡。齊女思家。吳王於此作九層飛閣。令女登以望齊。故名。隨廣德吳地記

吳王謀伐齊。齊子使女爲質於吳。吳王因爲太子波聘齊女。齊景公女。孟子所謂也。女少思齊。日夜號泣。

因乃爲病。闔閭乃起北門。名曰望齊門。令女往遊其上。女思不止。病日益甚。乃至殂落。女曰。令死者有知。

必葬我於虞山之巔。以望齊國。闔閭傷之。正如其言。乃葬虞山之巔。是時太子亦病而死。闔閭謀擇諸公。

子可立者。未有定計。波太子。詳下文。則夫差爲太子波之。夫差日夜告許伍胥曰。王欲立太子。非我而誰。

當立此計。在君耳。伍子胥曰。太子未有定。我入則決矣。闔閭有頃。召子胥。謀立太子。子胥曰。臣聞祀廢於

絕後。興於有嗣。今太子不祿。早失侍御。今王欲立太子者。莫大乎波。秦。藥字。之子夫差。闔閭曰。夫。夫下當

愚而不仁。恐不能奉統於吳國。子胥曰。夫差信以愛人。端於守節。敦於禮義。父死子代。經之明文。闔閭曰。

寡人從子。立夫差爲太子。吳越春秋。○晉按齊女一事。有三疑焉。據吳越春秋云。齊子使女爲質于吳。吳

果一人而二名耶。一疑也。據吳地記云。齊景公女聘吳太子終桑。闔閭三子。長曰終桑。婦齊女。想波即終

夫差兄。非難矣。及按吳越春秋。闔閭召子胥。謀立太子。子胥曰。其大乎波之子夫差。又云。父死子代。則夫

差爲太子波之子。非兄弟矣。二疑也。據吳地記云。齊女喪夫。每思家國。死期互爲先後耶。三疑也。並錄以

俟博考。

齊女峯南邨志作高女峯

穿山相傳海中島也。海虞縣穿山下洞穴。高十餘丈。昔有人海行者。舉帆徑過其下。臨海常熱之穿山。

農家生一子。名保保。肢體柔輒。四五歲猶不能行。終日坐木榻上。善言人禍福。扣之皆應。其家固怪之。然

亦因以致饒裕。故不戕之一旦。有龍虎山道士過其門。語人曰。此家必有妖物。富人劉以則聞之。召道士

問曰。若能除之乎。道士曰。不難也。劉遂具舟使往。道士方行。保保忽告母曰。有一道士來。兒當死矣。可與錢十千。爲兒乞命。母方怪之。道士已在途潛書朱砂符。焚于道旁柳樹根下。保保已在家啜血。又行不久。再焚一符。則有一鱷死於水面。長壯可畏。其首大如拳。問其家。子死矣。

茯苓山。在慶安鎮西北。高數丈餘。周三百步。下有龍潭。石闌猶存。舊傳曾產茯苓。故名。古詩云。山高無十丈。水深無百尺。山有茯苓名。水有蛟龍蟄。

黃土山。在縣南四十四都魏涇橋南。長六十丈。闊三十丈。高一十丈。山無石。惟黃土。故名。志

塔山。在河陽山南。晉處士夏統宣。城太守。郗璆嘗居此。舊名崇德。後改今名。志塔山。在縣北三十六里。

長九十丈。高一十五丈。在河陽山南。山本無塔。字當作場。俗名箬帽山。謂形之場如箬帽也。志按志謂即崇德山。邑志又似別一山。未知孰是。但邑志云。山本無塔。字當作場。殊爲可笑。沿革圖與志。

紹興幻師如寶殿。寺向有七級浮屠。相傳泗州僧伽塔爲第一。此爲第二。而今安在哉。

苑山。郡志作宛山。或云宛在水中央故名。

塢邱山。郡志作烏邱山。或作塢山。

頂山。在破山北十二里。上有高女峯。白龍池在焉。西北有水簾洞。兩水合流。從石厓下注。漫流若簾云。南志

破山。去虞山北六里。世傳龍鬬而山破。故名。上有鬬龍澗。旁有硃砂洞。東北有空心潭。舜井。昆湖。周七十六頃一畝。去縣一百七十五里。一名隱湖。越絕書。○當時向屬吳縣。故云相去一百七十五里。今去縣城東約二里許。

崑承湖在縣東南五里亦名崑城廣八十里南畿志作十八里南畿志云八十里偶誤倒書二字耳宜
虞湖十道四番志云周五十里每週天高氣清良辰美景則有波濤溢起高一丈許鼓蕩山峯今皆淤漲
無考郡志

巫咸宅按越絕書舊圖經皆云虞山巫咸所居舊志云在婁縣山下婁縣止馬鞍一山無巫咸宅當在虞
山無疑姑蘇志○晉郭璞巫咸山賦并序曰蓋巫咸者實以鴻術爲帝堯醫生爲上公死爲貴神豈封斯山
而因以名之乎伊巫咸之名山峒孤停而巖峙體岑峭以隆頽冠崇嶺以峻起配華霍以助鎮致靈潤乎
百里爾乃寒泉懸通浚湍流帶林薄叢籠幽蔚隱藹八風之所歸起遊鳥之所喧會潛瑕石揚蘭蒨迴翔
鶴集凌鶴鶴翳禽鳥棲陽以晨鳴熊虎窟陰而夕嘯藝文類聚○按虞山或名海虞山或名鳥目山或名
賦又是他山非虞山也據敘云蓋巫咸者實以鴻術爲帝堯醫生爲上公死爲貴神豈封斯山而因以名
之乎自唐堯至商大戊凡七百餘年雖太古人多上壽未有如是長年者則爲帝堯醫生之巫咸非爲太戊
相之巫咸無疑矣況賦云配華霍以助鎮何等形勢虞山舊志云山無峯巒而蜿蜒起伏略
如臥龍那堪與五嶽並峙恐後修志者采巫咸山賦混入集中如祖楚文之類因再附辨略

商巫咸墳在平門東北三里巫咸商太戊時賢臣是爲巫門巫咸山姑蘇志○惟此稱巫咸山
又屬郡城亦與賦不合

言公井一名聖井在常熟縣治北一百九十步又名墨井在縣北一百五十步吳地記云言偃宅有井井
邊有浣衣石周四尺皆其故物輿地志云梁蕭正德爲郡太守將石去莫知所在井中水色同墨

丹井在虞山南嶺下致道觀舊傳治平中主觀道士李則正浚井得石函一中有綠合藏丹二粒卽化爲
雙鶴飛去縣令陳照隣持其函以往而綠合爲則正所藏則正善醫至藥所不療者則以水煮合以飲之

疾必愈。自則正死而合不知所在矣。其丹或至夜陰晦。若有二炬遊走湖市。倏忽無常。紹興初人猶每每見之。照隣嘗有詩云。鍊丹井存瓊甃古。騁鸞人去玉堂空。

雪井在致道觀之北嶺上。始名竹林庵。宋元祐中海陵徐神翁之弟子申先生欲南遊。請于師。師曰。逢虞卽止。無雪卽開。申遂渡江。至是山徘徊瞻眺久之。問於人曰。虞山也。卽築庵居焉。然患無水。一日大雪。唯山坳不積。浚之得美泉。

常熟縣境東西九十里。南北一百里。吳地記後集

十二都。積善。開元。太平。感化。南砂。崇素。端委。歸政。雙鳳。思政。郭行。昇平。

橋梁五所。言偃。信義。文學。口僊。通泰。已上俱吳地記後集

外岡。青岡。五家岡。蒲岡。塗蔞岡。徘徊岡。福山岡。舊圖經云。竝吳縣界。今次第攷之。上之四岡屬常熟。言其地則與吳縣大相遼絕。

石城在常熟縣北五里。吳越春秋云。夫差興樂石城。吳地志云。越獻西施於吳王。王擇虞山北麓。以石甃城。爲遊樂之所。其地今有石城里。越絕書云。石城在靈巖山。扈城在常熟縣北五里石城東。世傳吳王遊樂石城。又建離宮扈蹕。故名扈城。今有扈城村。

九里城在常熟縣北九里。世傳吳王牧馬於此。建城以欄馬。俗呼欄馬城。有洗馬池。今存。

常熟縣城初亦列竹木爲欄。祥符經云。周二百四十四步。高一丈。厚四尺。建炎間知縣李闔之始建門五。東行春四秋報南承元流北宣化東北介福元

築土城周一萬四千八百四十丈。關門十一。至元十六年。張士誠重甃以甃。高二丈二尺。厚一丈二尺。周九里三十步。復增關小東門。今門六。行春秋輯。阜民即舊承流。洪辰即舊宣化。俗呼北。阜門通江。即舊介福。俗呼北水門。阜安即小東門。

白茆港在縣東南。西接崑承湖。東入大海。長九十里。

雲和塘。本名元和唐郡守李素所治。成於元和四年。故名。後譌元爲雲。今但呼常熟塘。南連運河。北入常熟界。○雲和塘之西爲尙湖。一名上湖。長十五里。廣九里。上有虞山映帶。頗爲奇勝。○尙湖之南有柴涇。有朱涇。有徐墅涇。西有湖橋塘。張墓塘。東南有白蕩。自白蕩而出爲羅墩蕩。爲六里塘。自張墓塘而出爲大和塘。自柴涇而出爲南塘。又自大和塘而出爲官祿塘。爲黃庄塘。諸水互流。其西吐納江陰。無錫諸水。其東仍流雲和塘。○雲和塘之東爲崑承湖。亦名崑湖。或云崑湖在崑山北。承湖在崑山西北。二湖合而爲一。亦名八字湖。縱廣各十八里。○崑承湖之東有五丫涇。西有陳涇。漚涇。魏涇。有東橫涇。有黃墓陵涇。有徐涇塘。莫門塘。衛涇塘。南有張涇。有六十二涇。有周涇。有黃涇。有龍涇。有桑婆浜。曹家浜。有時涇塘。其北有艾涇。○自五丫涇而出爲七浦。自周涇而出爲朱漚塘。自陳涇而出爲斜橋塘。爲嚴舍涇。爲懸涇。自黃涇而出爲徐涇。爲楊尖涇。華蕩在焉。○華蕩之西爲宛山塘。爲戈庄涇。自戈庄涇而出爲五瞿塘。華涇蕩在焉。○諸水或南或北。其流梅李塘者。東北入許浦。流李墓塘者。東入白茆港。流福山港者。北入楊子江。○梅李塘之源。發自雉浦。轉入耿涇。千步涇。迤邐縣城之東。遠出許浦。入於海。○其西弓連涇。錢涇。其東埭塘。埭塘之南爲焦莊涇。爲黃莊浜。爲李家浜。其西爲福山塘。○福山塘亦自縣城通江門而北。行四

十里入楊子江。是爲福山港。福山渡在焉。○其西鵝城港。通暢塘。又西九折塘。其南富平塘。富平塘之北爲河陽塘。又北爲奚浦。○李墓塘之源。西自周涇而來。轉入白茅塘。遂入於海。又有蕭涇、蔡涇、胡澄涇、鳳涇、東山涇、蓮涇、東婁涇、站浜、沈浜、嚴洞官浜、黃浜、雙浜、黃姑浜、石墩塘、支塘、三丫港、黃沙港、南港、北港、俱流白茆塘。○白茆塘之南。一水東南流曰鹽鐵塘。亦名內河。橫亘七十餘里。西接江陰。東入崑山界。琴川。舊志云。縣治前後橫港凡七。皆西受山水。東注運河。如琴絃然。或又云。取言游絃歌之意。然絃歌乃武城事。於此言之。則成附會矣。按梁任昉述異記。梧桐園在吳宮。本吳王夫差舊園也。一名鳴琴川。或云琴川之名始於此。後人去鳴字。

顧山。舊志名靈龜山。寰宇記云。顧山東屬蘇州。西屬常州。一名馬婆山。上有寺及龍潭。

揚尖市。在縣西南。去縣四十五里。無錫志作羊尖。乃河名也。在無錫縣東北六十里。懷仁鄉。與蠡河俱盛塘河之別脈。顧市河亦包堰河之別脈。竝東會於是河。入常熟界。

虞鄉雜記卷二

封爵姓氏邑志不載
今依郡志採補入

秦伯無子。仲雍立。一名吳仲。初秦伯既號勾吳。吳人或問何象。秦伯曰。吾以伯長居國絕嗣。後當有封者。吳仲也。勾吳非其方乎。仲雍卒。子季簡立。季簡卒。子叔達立。叔達卒。子周章立。○當周章時。武王克殷。求泰伯。仲雍之後。因封周章爲吳伯。周章卒。子熊遂立。熊遂卒。子柯相立。柯相卒。子疆鳩夷立。疆鳩夷卒。子餘橋疑吾立。餘橋疑吾卒。子柯盧立。柯盧卒。子周繇立。周繇卒。子屈羽立。屈羽卒。子夷吾立。夷吾卒。子禽處立。禽處卒。子轉立。轉卒。子頗高立。頗高卒。子句卑立。吳越春秋。周章子熊。熊子遂。橋作箭。處作句卑。卒。子去齊立。去齊卒。子壽夢立。壽夢立而吳始大。稱王。壽夢。○壽氏。吳王壽夢之後。吳大夫壽越。又有壽於姚。今吳中尙有此氏。○虞氏。武王封仲雍之後於虞城。晉滅虞。子孫以國爲氏。

宋元志敘官失載姓氏。今錄于後。以備考。其紀載簡者附錄。

東晉江康之。濟陽考城人。文雅有才思。爲南沙令。○志云。海虞令戴前有江康之。何後有鮑照。按康之爲但江淹本傳云。淹年十三。孤貧。常采薪以養母。曾于機所得貂蟬一具。將獻以供養其母。曰。此故汝之休徵也。汝才行若此。豈長貧賤也可。留待侍中著之。明帝時。果遷侍中。衛尉。果如母言。並未著父名字。戴顓字仲若。父達。隱遯有高名。顓以父不仕。復修其業。自桐廬徙居吳。吳下士人共爲築室。聚石引泉。植林開澗。少時繁密。有若自然。乃述莊周大旨。著逍遙論。禮記中庸篇。三吳守將及郡內衣冠。要其同遊野。

澤堪行便去。不爲矯介。宋國初建。辟召竝不就。文帝每欲見之。嘗謂黃門侍郎張敷曰。吾東巡之日。當宴戴公山下也。吳郡志

海虞令何子平。母喪去官。哀毀踰禮。每哭踊。頓絕方蘇。屬大明末。東土饑荒。繼以師旅。八年不得營葬。晝夜號哭。常如祖括之日。冬不衣絮。夏不就清涼。一日。以米數合爲粥。不進鹽菜。所居屋敗。不蔽風日。兄子伯興欲爲葺理。子平不肯曰。我情事未申。天地一罪人耳。屋何宜覆。蔡興宗爲會稽太守。甚加矜賞。爲營冢壙。小

鮑照字明遠。東海人。文辭瞻逸。嘗爲古樂府。文甚遒麗。元嘉中。河濟俱清。當時以爲美瑞。照爲河清頌。其序甚工。照始嘗謁義慶。未見。知欲貢詩言志。人止之曰。郎位尙卑。不可輕忤大王。照勃然曰。千載上有英才異士。沈沒而不聞者。安可數哉。大丈夫豈可遂蘊智能。使蘭艾不辨。終日碌碌。與燕雀相隨乎。於是奏詩。義慶奇之。賜帛二十四匹。尋擢爲國侍郎。甚見知賞。遷秣陵令。文帝以爲中書舍人。上好文章。自謂人莫能及。照悟其旨。爲文章多鄙言累句。咸謂照才盡。實不然也。臨海王子項爲荊州。照爲前軍參軍。掌書記之任。子項敗。爲亂兵所殺。○邑志云。上黨人家世貧賤。少有文思。宋臨川王愛其才。以爲國侍郎。孝武初除海虞令。按南史傳但云遷秣陵令。未云爲海虞令。不解何故。

公上延孫。齊永嘉中。爲南沙令。按王敬則傳云。南沙人范修化。殺縣令公上延孫。○又贈公上延孫爲射聲校尉。南齊書。後廢帝本紀云。王敬則先結昱。後廢帝名左右楊玉夫。楊萬年。呂欣之。湯成之。陳奉伯。張石留。

羅僧智、鍾千載、嚴道福、雷道錫、戴昭祖、許啓、咸元寶、盛道、鍾千秋、王天寶、公上延孫、俞成、錢道寶、馬敬之、陳寶直、吳璩之、劉印魯、唐天寶、俞孫等二十五人謀共取昱。沈約宋書○邑乘云王敦則結帶左右

梁何之元、鬻人好學有才思爲袁昂所重昂爲丹陽尹辟爲五官掾尋除信義令之元宗人敬容位通貴

類相顧訪之元終不一造或問之對曰德薄位隆覆敗可待吾懼及禍耳識者稱歎陳太建中歷湘州刺

史始與王叔陵諮議參軍及叔陵誅之元屏絕人事著梁典三十卷禎明三年京城陷移居晉陵隋開皇

間卒傳入古文苑

唐劉太真字仲適金陵人唐書作宜州人弱冠以行義修潔詞藻瑰異爲蕭穎士所知廣德中以薦授左衛兵曹

李栖筠在浙西表爲常熟令到官末期一邑自化歷官禮部侍郎信州刺史本傳入古文苑到官末期一

不及何也

顏顯仁友清白常熟縣令封金鄉男見顏氏祠堂碑○蘇志作常熟尉

朱梁許延祚知常熟子孫遂家焉後孫式登景祐進士第式字叔矜有高行名著雍咸開歷通判博州尚

書祠部郎中知洪筠二州官至轉運使年八十餘卒贈禮部尚書紹興二十四年以中丞魏師遜薦爲御

史論事忤秦檜罷去檜死召爲起居舍人歷同知樞密院事卒諡章敏

宋李璨文正公防族人也爲常熟令淳化四年任滿赴調時防在相位言其父嶽在晉爲侍中漢末被誅

周太祖時已雪其冤還其田宅璨始四歲授校書郎及其爲令年近知命乞與陞擢詔授著作佐郎